

JAVNO PREDUZEĆE «VODOVOD I KANALIZACIJA» d.o.o.

Z E N I C A

Direktor preduzeća

Broj: 101- 6277-1/22MS
Zenica, 26.04.2022. godine

Na osnovu čl. 100. stav 3. Zakona o javnim nabavkama ("Službeni glasnik BiH" broj: 39/14), te u skladu sa čl. 26. i 27. Statuta Javnog preduzeća «Vodovod i kanalizacija», postupajući po Žalbi ponuđača „HIFA -PETROL“ d.o.o. Sarajevo, izjavljenoj na Odluku o izboru najpovoljnijeg ponuđača broj:101-5409/20DŽS od 11.04.2022.g. i protokolisanom kod ugovornog organa pod brojem: 501-6277/22 dana 22.04.2022.godine, direktor Javnog preduzeća «Vodovod i kanalizacija» d.o.o. Zenica donosi

ODLUKU

**o usvajanju Žalbe ponuđača „HIFA -PETROL“ d.o.o. Sarajevo,
broj: JN-1806/22 od 20.04.2022.godine**

I

Usvaja se Žalba ponuđača HIFA -PETROL“ d.o.o. Sarajevo, broj: JN-1806/22 od 20.04.2022.godine, izjavljena na Odluku o izboru najpovoljnijeg ponuđača broj:101-5409/20DŽS od 11.04.2022.g. u otvorenom postupku za nabavku goriva.
Istovremeno se poništava predmetna Odluka broj: 101-5409/20DŽS od 11.04.2022.g.

III

Zadužuje se Komisija za nabavku da, shodno žalbenim navodima, izvrši ponovnu evaluaciju ponuda i nastavi postupak nabavke, u skladu sa Zakonom o javnim nabavkama, te da nakon proteka žalbenog roka, putem Portala javnih nabavki, zakaže novu e-aukciju.

IV

Ova Odluka stupa na snagu danom donošenja i ista će biti objavljena na web stranici ugovornog organa <http://www.vikze.ba/>

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj: 101-1464/22BS od 14.02.2022.godine. Dana, 15.02.2022.godine na Portalu javnih nabavki, istovremeno sa objavljivanjem Obavještenja o nabavci broj: 439-1-1-58-3-26/22 objavljena je i tenderska dokumentacija.

Javna nabavka je provedena putem otvorenog postupka sa zaključivanjem okvirnog sporazuma na period od 36 mjeseci, te je dana, 11.08.2022. godine donesena Odluka o izboru najpovoljnijeg ponuđača broj: 101-5409/20DŽS od 11.04.2022.g. kojom je ponuđač ALMY d.o.o. Zenica odabran kao najpovoljniji ponuđač.

Dana, 22.04.2022.godine na predmetnu Odluku ponuđač HIFA -PETROL“ d.o.o. Sarajevo izjavio je Žalbu broj: JN-1806/22. U žalbenim navodima ističe da je ugovorni organ u vezi sa načinom iskazivanja ponuđene cijene goriva, pogrešno zaključio da žalitelj nije pravilno iskazao cijenu svoje ponude. Naime ugovorni organ je u Tenderskoj dokumentaciji propisao da su ponuđači dužni ponuđene cijene dostaviti sa dvije decimale. Kod postupka zaokruživanja cijene na dvije decimale ugovorni organ je u Aneksu 2 "Obrazac za cijenu ponude" propisao:

“ Ponuđači su obavezni da iskažu jediničnu cijenu goriva na dvije decimale (kolona 9.) (navedenu na obrascima OPC i OPM traženim tenderskom dokumentacijom) umanjenoj za iznos PDV - a i bez takse za uspostavu naftnih derivata. Pri zaokruživanju ponuđači se trebaju pridržavati jednostavnih pravila, i to: Ako je sljedeći decimalni broj (kolona 8 peti broj, kolona 9 treći broj) manji od 5, decimalni broj koji je prethodio ovom decimalnom broju (kolona 8 četvrti broj, kolona 9 drugi broj) se ne mijenja, odnosno ako je decimalni broj (kolona 8 peti broj, kolona 9 treći broj) veći ili jednak 5 decimalni broj koji je prethodio ovom broju (kolona 8 četvrti broj, kolona 9 drugi broj) se povećava za 1. Npr... ako je jedinična cijena na OPC i OPM obrascu navedena kao "2,51", ponuđač u Aneks 2. kolonu 7 upisuje "2,50", u kolonu 8. „2,1368“ - na četiri decimale, a u kolonu 9, upisuje "2,14" ili ako je jedinična cijena na OPC i OPM obrascu navedena kao "2,26", ponuđač u kolonu 7 upisuje "2,25", u kolonu 8. „1,9231“ - na četiri decimale, a u kolonu 9. upisuje "1,92". Ukoliko ponuđači budu upisivali na više / manje/ ili slično jediničnu cijenu, u odnosu kako je traženo, ponuda će se smatrati kao formalno neispravna i ista se neće uzimati u razmatranje.”

Ponuda žalitelja je odbačena kao formalno-pravno neispravna, jer je ocijenjeno da ponuđač nije pravilno zaokružio decimale, kada je cijenu ponude koja je iznosila: 2,26495726495KM, žalitelj zaokruživši na dvije decimale, izrazio u iznosu: 2,26KM. Postupajući po predmetnoj žalbi ugovorni organ je ponovo izvršio evaluaciju ponuda, te je utvrđeno da su žalbeni navodi osnovani, te da je žalitelj, poštujući pravilo ustanovljeno Tenderskom dokumentacijom, ispravno zaokružio cijenu ponude na dvije decimale i na iznos 2,26KM, zbog čega je odlučeno kao u dispozitivu ove Odluke.

Pouka o pravnom lijeku: Protiv ove Odluke može se izjaviti žalba Uredu za razmatranje žalbi, putem ugovornog organa, u roku od deset dana od dana prijema Rješenja. Žalba se izjavljuje putem Javnog preduzeća „Vodovod i kanalizacija“ d.o.o. Zenica.



DIREKTOR:

Emir Pašalić
Pašalić Emir, dipl.ing.grad.

DOSTAVLJENO:

- 1 x Ponuđačima
- 1 x Direktor
- 1 x Sekretar Komisije
- 1 x Članovima Komisije za JN
- 1 x Komercijalna služba
- 1x web-stranici <http://www.vikze.ba/>
- 1 x a/a